

Guangjsih Minzczu Bau

ganhhau: CN45-0036 B.2019 Nd.1 Ng.23 liggaueq fouhswt nienz ndwenlab cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3359期

Aen Vanjvei Lienzvuen Ndwencieng Vahcuengh (Guengjsae) Cungguk Yaek Youq Hozsan Si Banh

Ndwen 1 ngoenz 18, hoih fatbough saehmoq aen vanjvei lienzvuen ndwencieng Vahcuengh (Guengjsae) Cungguk 2019 youq Swcigih Minzcunghvej hai. Gaiq vanjvei ndwencieng Vahcuengh neix youz cujvejvei vanjvei lienzvuen ndwencieng Vahcuengh (Guengjsae) Cungguk, Cunghgung Hozsan Si Veijenzvei, Hozsan Si Yinzminz Cwngefj caezcaemh cawjbanh, Cunghgung Hozsan Si Siveij Senhconzbu, Aen Gunghsw Mizhanh Hwngfat Lijyouz Vwnzva Dahraemxhoengz Guengjsae ciepbanh, Hozsan Si Vwnzva Dijyuz Gvangjdengiz, aen cuj lanzmuz Guengjsae 《Cungguk Minzswng》 Yinzminz Yizbau, aen cuj lanzmuz Guengjsae 《Gojgaeq Cungguk》 Vazyinz Binzdau, aen cuj lanzmuz densi 《Guengjsae Saekheu》, Gvangjsih Minzczu Bause, Aen Gunghsw Mizhanh Cienzboq Vwnzva Gveiqdoeng Guengjsae bangbanh. Gaiq vanjvei

neix ndaej daengz Swcigih Minzcunghvej haengrenz haeucoengh caeuq cienzmienh dazyinx.

Gicej daj gwnz hoih fatbough rox daengz, gaiq vanjvei neix yungh cigboq cienzdoengj caeuq gij dinfwngz cigboqyinz ceiq moq dox giethab, doenggvaq Yanghsi Sinhvwz, Yinzminz Yizbau, Sinhvasse, Muengx Cungguk, Sinhlang Sinhvwz, Diuzdauz Ngoenzneix, Aigizyi, Youhguz, Yinggwz Cigboq, Cangiz Cigboq daengj 160 lai aen meizdij, caeuq Gvangjsih Lijyouz Fazcanj Veijenzvei, Gvangjsih Minzczu Bau, Namzningz Lijyouz caeuq Guengjsae Saekheu daengj 50 lai aen bingzdaiz goengcunghauh, daengx ciengz cigboq okdaej hawj daengx seiqgyaiq. Baez vanjvei neix cawjdaez dwg “Cungguk Mbanjcuengh 60 bi seizdaih moq aendomq mbinfw”, yungh fwen cienz cingz Mbanjcuengh, yungh gij diuqfoux minzczu langhbaij

Mbanjcuengh gyaunde, cieng ndwenngoenz moq gyaunde Mbanjcuengh. Vanjvei faen baenz Hozsan ndeiraeuh, Guengjsae gyaunde, saedyienh loqsiengj sam aen bien-cieng, miz gij cezmuq go, foux, yaem’wenq daengj gak cungj miz yenzsu lai aen minzczu seiqgyaiq neix gapbaenz.

Linghvaih, vanjvei bineix lij cingcanghgo guekgya Dunghmungz hwnj daiz yienjheiq, yungh vah doxdoengz yienjciengj gij go ngamq cau 《Beixnuengx Lai Lumj Ndaundeiq》, caeuq minzczu guekgya Dunghmungz “rangh ndeu loh ndeu” gij cingz naekgywd meg lwed doxlumj, bya raemx doxlien, yienh’ok gij muengh ndei “seiqgyaiq ndei, Cungguk cij ndei”, Cungguk ndei, seiqgyaiq cij engq ndei, dazfwngz caez hwnj gyaranz gyaunde.

(Liengz Cingz)



“Cin Iq Mbanjmyauz” Heiq Cieng Noengz

Ndwen 1 ngoenz 18, Yungzuij Myauzcz Swciyen Vwnzmingzvej youq “Cin Iq Mbanjmyauz” banh aen hozdung hengzguh vwnzmingz “gvensim cin iq Mbanjmyauz, caezcaemh fukhwng loqsiengj”, haiguh raiz doiqcieng mbouj aeu cienz, simndei bangcoh, hoih youzsuen daengj hozdung, hawj cin iq heiq cieng noengznwd. Ciuq cam rox, “Cin Iq Mbanjmyauz” dwg aen dieg anyouq ranzungzhoj banggungz senj dieg Yungzuij hwnjguh youq yienhsingz haenx, seizneix gungh miz 1600 lai ranz ranzungzhoj laeb dangian laeb gaj haenx 6600 lai vunz haeuq youq. Ndaw doz dwg cawjranz umj lwgnyez yawj doiqcieng.

(Lungz Dauh/龙涛)

Baksaek Yougyangh Gih Coengh Guh Doxgaiq Fwngzguh Cienzdoengj Minzczu Daiqdoengh Cinjing Vut Gungz

Vihliux hawj gij dinfwngz fwngzguh cienzdoengj caenh’itbough swncienz hwngfat caeuq gaijgez gij vwndiz ranzungzhoj couhnieb, bi 2019 ndwen 1, Baksaek Si Yougyangh Gih Minzcunghgiz bangcoengh Aen Gunghsw Mizhanh Doxgaiq Gunghyi Minzczu Yajvangz 3 fanh maenz ngaenz, yungh guh son’gyauq guh doxgaiq fwngzguh minzczu muhmeh Bouxcuengh, ndangdaenj minzczu daengj, maqmuengh doenggvaq son’gyauq hawj engq lai vunz gungzhoj bae gunghsw hag guh doxgaiq fwngzguh cienzdoengj, gaijgez gij vwndiz couhnieb, fugsah ndawbiengz.

Aen Gunghsw Mizhanh Doxgaiq Gunghyi Minzczu Yajvangz Yougyangh Gih cujyau guenjguh guh, gai caeuq langhbaij daengj yezvu doxgaiq fwngzguh minzczu, doxgaiq miz muhmeh Bouxcuengh, ndangdaenj minzczu daengj, bi 2018 gunghawj ranzungzhoj Dalwng, Bansuij, Yangzhih daengj yanghcin 12 aen gangjvei couhnieb. Aen giz neix doengzseiz anbaiz 11 baux ndangcanz bae gunghsw hwnjban, hawj gyoengqde ndaej gag okrenz bae ra cienz, vunzhong gunghsw moix ndwen souhaeuq 1000 daengz 1500 maenz. Baenz gienh baenz gienh doxgaiq fwngzguh minzczu

gyaunde, ndangdaenj minzczu mboujdan doenggvaq Aen Gunghsw Mizhanh Doxgaiq Gunghyi Minzczu Yajvangz ndaej hai ok aen cueng senhconz vwnzva minzczu, hix vih ranzungzhoj caeuq baux ndangcanz gunghawj diuzroen laisou baenz miz, cugyamq baenz canjnieb youqgaenj ranzungzhoj caeuq baux ndangcanz dangdieg vut gungz baenz miz.

Doxgaiq fwngzguh minzczu dwg gij doxgaiq vwnzva cienzdoengj, yienh’ok guhhong, gvaq ndwenngoenz caeuq fungsug minzczu fungfouq lai yienh, dwg gij yisuz ceiqndei daegbied gagmiz minzczu.

(Yougyangh Gih Minzcunghgiz)

SIUSIK DINJ

● Mboengqneix, aen doih yienjheiq daengx guek vwnzva gohgi veiswng “sam roengz mbanj” comz guhyienh hozdung (camh Guengjsae) vwnzyi camnai yienjok faenbied bae daengz Denzyangz Yen Nazmanj Cin Luzmeij Cunh, Denzyangz Yen Daih’it Siujyoz, bingdoih gunghginh capyouq Denzyangz yienj 3 ciengz heiq leih lwgminz, go, diuqfoux, bajheiq, siujbinj daengj vwnzyi cezmuq lai cungj lai yienh, ndaej daengz gyoengq bouxyawj bekwngz haenhndei.

(Luz Siulingz)

● Ndwen 1 ngoenz 18 banhaet, Laizbinh Si Cungi-gunghvei cujci 6 baux suhfazgyah bae daengz Laizbinh Dencangj haiguh aen hozdung “coux bi moq soengq doiqcieng”, dawz “fuk” ciengmoq daezgonq soengq hawj gyoengq cizgungh. Ciuq cam rox, baez hozdung neix gungh yinx ndaej 200 lai baux cizgungh daeu cieng “fuk”, soengq ok 300 lai cih “fuk” caeuq 200 lai fouq doiqcieng.

(Cinz Han’wnh)

● Ndwen 1 ngoenz 15, Aen Cungsime Comzsanq Makgam Lifungh Cin Sicunh Yienh Siengcough cingqsik haindu yungh, makgamdiengz gak yanghcin daengx yienh yaek aeu daeuq gizneix comz, ginggvaq faen leh baucang le daehyinh bae daengz daengx guek gak dieg gai. Ciuq cam rox, aen cungsime neix youz Aen Hezvei Mak Ranz Vunzguhnaz caeuq Aen Hawciengz Gaicawx Makgam Lifungh Swvei Guengidoeng lienzhacauh, ngoenzhaenx gaenq gai ok makgamdiengz 20 fanh gaen.

(Vangz Gohyinz)

● Mboengqneix, Aen Cungsime Bangcoh Faplwd Yienh Lungzcough bae daengz gak yanghcin haiguh aen hozdung senhconz fapceih hawj baux ok rog guh hong dauq ranz bi 2019 ndwencieng gaxgonq, gejdap mizgven cwngcwz caeuq faplwd fapgi mizgven vwndiz gij guhhong habdoengz, cienzhong, ndawbiengz baujiemj caeuq hongsieng, guhhong doxceng daengj hawj baux nungzminzungungh dauq ranz gvensim haenx.

(Nungz Genhfwnh)